

TEZAU LITURGIC

4 IULIE

**ACATISTUL
SF. MUCENIȚE
OLGA
NICOLAEVNA
DE LA
MOSCOVA
II**



MOSCOVA, 2000



Акафист

святой великомученице благодарной царице Ольге

Кондак 1

Избранная отцем благовестити народу любви
всепобеждающую, научи нас хлеб наш
насущенный на рожцы свиный не менять, похоть
очес любовь не нарицати, воли Божией о нас
паче гордости нашей внимати, да ты узрим, да
услышим ты не мстити призывающую, да
воспоем ти:

Радуйся, мудрая дево царевно Ольго, невесто
святая Руси Святой.

Икос 1

Ангел предстатель еси новым людям твоим, о
царевно, на брезе новыя тьма языческия паки
возсиявая нам благовестие неотмстительное, око
души своя за око ослепшее русское Богови
принося, темже новые люди поют ти:

Радуйся, еуже прощение сияет;
радуйся, еуже ненавистная рознь исчезнет.
Радуйся, в злобу впадших воззвание;
радуйся, слез неотмщенных избавление.
Радуйся, вышото безмолвнаго сострадания;
радуйся, глубино неотступнаго терпения.
Радуйся, во страдании царево прибежище;

радуйся, яко состраждеши состраждущему всем.
Радуйся, звездо на крае тьмы кромешныя;
радуйся, сердце чистое, Дух Правды обновляй
во утробах наших.

Радуйся, еюже обновляется страна Ольги
равноапостольныя;
радуйся, похвало о Бозе отцу.

Радуйся, мудрая дево царевно Ольго, невесто
святая Руси Святой.

Кондак 2

Видяще святая Троицу Святую в сердца чистоте,
глаголет Богу дерзостно о людех своих: сии же,
по молитвам царевны святой, абие помощи.
исцеления, покаяния сподобляся, Спасу поют:
Аллилуиа.

Икос 2

Разум недоразумеваемый разумети ищущи
глаголют неции совопроснически: како сии
мученицы нарицаются, аще ни камением
побиени быша, претрени быша, избиени быша?
Сих ради, аще токмо правды алчут и жаждут,
остави ты о царевно, в молитве, тобою
списанной и тобою петой, глас твой, глас хлада
тонка, да вси поим сиче:

Радуйся, просящая Господа не о свободе, но о
терпении;
радуйся, посылающая терпение молящимся ти.

Радуйся, в годину буих мрачных дней дивно
процветшая;
радуйся, нас назидая мрака внутрьуду бояться
паче окрестнаго.

Радуйся, народное гонение матерски
объемлющая;
радуйся, за народ, бесогонимый, предстоящая.
Радуйся, крине, о крепости Бога молящая;
радуйся, тебе молящим крепосте неприступная.
Радуйся, покоя души смиренно в смерти
просящая;

радуйся, страх наш смертный на страх Божий
пременяющая.

Радуйся, на празе гробнем кротко молящая за
убивающих тя;

радуйся, гробы повапленные душ наших
умилением посещающая.

Радуйся, мудрая дево царевно Ольго, невесто
святая Руси Святой.

Кондак 3

Сила Вышняго осени тогда сосуд немощнейший,
обаче избраннейший, глаголати: Аз русская
есмь, и желаю пребыти русскою: сеющи
отечестволюбие, нас во Отечество Горнее
собирающее, внегда пети сие: Аллилуиа.

Икос 3

Имущи память праматери древнейшей своей,
иже отринула есть брак ромейскаго императора,
дево юная, Ольго Новая, востече ко воспитателю
своему. Сей же, дивяся осмнадцатилетней
премудрости девицы царственныя,
свидетельствует о ней:

Радуйся, отрасли ветхия юнейшая розго;
радуйся, мудрости древния новое дерзновение.
Радуйся, делателей делающая Руси Святой;
радуйся, насаждающая любви ко отечеству.
Радуйся, село, иже купующе, идем не от Христа,
но ко Христу;
радуйся, русская по имени, нас русскими
именующая во Христе.
Радуйся, рай изгибшего отечества нашего;
радуйся, пристанище за отечество изгибшим.
Радуйся, молитвы наша к Богу ходатаице;
радуйся, России к Богу дерзновение.
Радуйся, Божие к России на милость
пременение;
радуйся, за Россию непрестанное моление.
Радуйся, мудрая дево царевно Ольго, невесто
святая Руси Святой.

Кондак 4

Бурю внутрь имея помышлений сумнительных,
целомудренная царевно смятесе, видя князя
царственных кровей, тремя денми прежде

искренняго семьи ея, сердцу матери рану жестоку наносяща, обаче зряще в родительской заповеди любви истинныя исполнение, рече: Аллилуиа.

Икос 4

Слышавше пастыря и Богоотца, пророка и царя: Вся слава дщери царицы внутрь: глаголюща, зрим некоего простеца-воина, наущающа тя, во врачевнице сему служащую, преступити волю отца, не ведуща, кто есть отец сей, ты же речеши ему: Не можно ми есть, зане вельми люблю отца: послушание любовью, любовь послушанием утверждая, мы же поем ти: Радуйся, искреннейшая дщи отца твоего; радуйся, наперснице ума и сердца его. Радуйся, утешение и покой его; радуйся, ведущая волю его. Радуйся, возлюбльшая Бога во страхе омрачити Его; радуйся, боящаяся огорчить отца огорчением ближних его. Радуйся, письмами отца, яко невеста, обрадованная; радуйся, его уста быти удостоенная. Радуйся, в послушании родительском упование любви Христовой имущая; радуйся, преступающая волю сердца за еже открыти сердце Христу.

Радуйся, первенице порфирородная;
радуйся, наследнице отечества твоего.
Радуйся, мудрая дево царевно Ольго, невесто
святая Руси Святой.

Кондак 5

Боготечную звезду утреннюю зрим святую
равноапостольную княгиню Ольгу, Красное
Солнышко, равноапостольнаго внука нам
уготовляющую, Боготечную звезду зрим
вечернюю тя, о царевно, юже яко светильник
держаще, имамы ум во аде и не отчаеваемся,
зовуще: Аллилуиа.

Икос 5

Видяще отроча крестьянское на руку девицы
царственныя, плачем купно со служителем
твоим, яко по всей России не обретется муж тя
достойн, обаче вемы, яко многа чада пустыя
паче, нежели имущия мужа, якоже и брат твой
рече: "Аз есмь Ольгин сын"; темже чада русския
поют тебе:

Радуйся, зрящая целомудрие матери твоея;
радуйся, ведущая матернее в девстве своем.

Радуйся, сохраняя заповедь Божию
непреложно;

радуйся, возлюбльшая крест девства.

Радуйся, последовавшая Господу всею жизнью
своею;

радуйся, до конца последовавшая Христу.
Радуйся, разжегшаяся любовью по Бозе;
радуйся, яко сия любви разжения поपालает.
Радуйся, в девстве мученица ради Христа;
радуйся, волю свою ради отчей любви
отвергшая.

Радуйся, яко смирение есть покров девства
твоего;

радуйся, пораждаяй смиренныя в Жизнь
Вечную.

Радуйся, мудрая дево царевно Ольго, невесто
святая Руси Святой.

Кондак 6

Проповедницы Богоноснии бывше святии
царственнии мученицы, ангельски на земли
поживше, просияли суть даже до конец земли,
оных же Иродов новых, второе ругающиеся
погребших вас, оставиша яко буесловящих, не
ведущих пети: Аллилуиа.

Икос 6

Возсияв в веце нашем просвещение Истины,
разгнала еси лжи тьму: идоли бо века сего,
Содом и маммона, не терпяще славы девства
твоего, упраздняются. Сих же чающи
избавитися, вопияхом ти:

Радуйся, яко ныне молит отца твоего Новый
Израиль, яко Иеффая;

радуйся, яко приемлет отец твой оружие во еже побороти по нам.

Радуйся, яко Дух Господень на новом Иеффаи сем;

радуйся, яко и сей приносит Богу всесожжение.

Радуйся, слышавшая отца рекша о жертве за Россию;

радуйся, яко речет царь: Се аз и дети, яже ми даде Бог, будем жертва сия.

Радуйся, радующаяся воли отчей;

радуйся, аще и плакася со дщерию Иеффая.

Радуйся, утешающая безчадных;

радуйся, веселящая бесплодных.

Радуйся, тайное сияние Фаворское;

радуйся, откровение, облеченное в Солнце.

Радуйся, мудрая дево царевно Ольго, невесто святая Руси Святой.

Кондак 7

Хотящу веку сему преставитися прелестному, не терпящу множества злодеяний, прежде неслыханных, в нем содеянных, не прежде Бог заключит сей, дондеже воскликнут о царственных мученицех в нем стоящих:
Аллилуиа.

Икос 7

Новую показа тя Ольгу Святую купно с Новым Крестителем русским милостивый Господь.

сердца детей отцам отверзая, отцев ускорая
молити за детей, два берега времени русскаго
созерцающих ся являя, мы же поем сице:

Радуйся, новая равноапостольная Ольго
Богомудрая;

радуйся, прежде брата рождения непщеванная
Россию наследовати.

Радуйся, поругание речи русския обличившая;
радуйся, ныне словесы чисты Бога о России
молящая.

Радуйся, яко и прежняя Ольга, на реце от поган
уловляемая;

радуйся, обрадованная Покровом
Божественным.

Радуйся, аще и уничижения от бесных раб
претерпела еси;

радуйся, яко поруганному Христу соцарствуеши
ныне и присно.

Радуйся, во Христе камень отечестволюбия;
радуйся, еяже пули не можаша ископати отнюд.

Радуйся, царственноручно сткляницы и чванцы
омывавшая;

радуйся, от сосуда елея твоего присно подающая
молящим тя.

Радуйся, мудрая дево царевно Ольго, невесто
святая Руси Святой.

Кондак 8

Странное чудо мироносичное зрим о тебе, о царевно: како едина от клевет твоих, беспомощная дева сущи, страну, обуявшую пламенем распри междуусобных, отроком в печи подобящися, неврежденно преминула еси тебе ради, миро любви своея огнегасительно показующи, Богу поюще: Аллилуиа.

Икос 8

Вся бе в нижних, поносима, иждиваема, всяцем злым глаголом нареченна, но и вышних никакоже отступи, о царевно, волю царственного отца благовествуя, Царем Небесным содержиима бысть. Тем же слышиши от всех:

Радуйся, смирившаяся до поношения Христова; радуйся, царствуй с нищими духом.

Радуйся, плачущая славы русския; радуйся, утешающая отечестволюбцев.

Радуйся, кротчайшаго царей достойная уста; радуйся, земли российския наследнице.

Радуйся, токмо Христовой правды алкавшая; радуйся, юносттаго правдолюбия защитнице.

Радуйся, чистым сердцем мраз адский прелетаяй;

радуйся, в чистоте твоей Образ Божий нам являющая.

Радуйся, служанка раб твоих во врачевнице

бывши милостивно;
радуйся, милостивно умиляющихся житию
твоему помиловавшая.

Радуйся, мудрая дево царевно Ольго, невесто
святая Руси Святой.

Кондак 9

Всякое естество власть имущее удивися русской
царевне: порицаша неции болящим служение
твое, царственности умаление усмотряючи.

Ангели, зряще тя, дивятся, како ты, народом
дориносима быти должная, на руку твою
подъемлещи чадо меньших раб твоих: аще ли
надеяшися горохищному овчати возопити:

Аллилуиа.

Икос 9

Ветия многовещанная осипша зело видим об
отце твоём, о царевно: како сей искупитель есть,
егда Един Искупитель Сый Христос? Несте

достойны беседы моя, - рече иногда Георгий
Победоносец подобным, обаче вящшия ради
славы Божия и мы рцем сим: как не искупитель

сей, егда все житие его врази многожды
ископаша? Сей, иже кровь свою искапал за ны
есть: сей, иже купует ны ценою многоценных

бисеров, чад своих, мы же царевне рчем:

Радуйся, ангельски любы по покаянии нам
благовествующая;

радуйся, архангельски неведомая в нашу меру
изображающая.

Радуйся, начальница невестественная нашего
покаяния;

радуйся, власть имущая вязати и решити на
народе твоём.

Радуйся, яко силы деются о призываемом имени
твоём;

радуйся, госпоже страстей своих, господствуй
над нами милостивно.

Радуйся, Престолу Троицы приседящая, благою
часть избравшая;

радуйся, тайну Ея благовестившая нам.

Радуйся, пламенеющая по России ревностию;

радуйся, творяй хульники царя немы и
немогущи проглаголати.

Радуйся, зовущая нас стати со страхом, добре
царю работающе;

радуйся, иззуги нозе наша в земли Святой Руси
призывающая.

Радуйся, мудрая дево царевно Ольго, невесто
святая Руси Святой.

Кондак 10

Спасти хотя, аще возможно, поне останок, не
сам глаголет Помазанник нам, но гласом девы,
да обратит сия умы и сердца наша во благая
помышления, умиления разженныя родители,

сице глаголюще: "Отец просит передать всем верным": Имеяй уши слышати поет: Аллилуиа.

Икос 10

Стена еси безпомощным девам, дево Богомудрая царственная: како не возможе мерзейший искони убийца вредити тя беззащитну суцу на кораблеце от Тобольска и в доме Ипатиевом, тщася растлити и ничтоже успевающе: девы же, в защиту зовуще, поют тебе:

Радуйся, яко воистину воскресе Помощник и Покровитель твой;

радуйся, яко дыму подобно исчезли врази Его и твои.

Радуйся, яко смрад сей, аще и властвует, но не вечнует;

радуйся, яко тает от Лица Божия.

Радуйся, яко гибнут грешницы Именем Божиим;

радуйся, яко веселятся праведницы безпомощнии в памяти твоей.

Радуйся, в веселии знаменующаяся Крестным Знаменем;

радуйся, радующая нас Креста неборимостию.

Радуйся, Господу во ад последовавшая;

радуйся, ничесомуже адскому приразившаяся.

Радуйся, Крестом посрамляющая сопостата;

радуйся, осененная дев всех Стеной.

Радуйся, мудрая дево царевно Ольго, невесто святая Руси Святой.

Кондак 11

Пение всякое побеждается, зряще сердце родителей твоих, ругаемей ти всесмехливо, не могущих защитити тя: яко же и евангелисти рекут: и ины мнози пакости Господу деяху, не могуще глаголати: кии, устом затворяющимся: Крайнее Снисхождение имя Ему.

Хриstopодражательно царь преходит пределы долготерпения, не себе токмо, но во очию своею всех чад принося на алтарь России спасения. Со страхом зовем: Аллилуиа.

Икос 11

Светоприемную свещу зрим тя, святая дево царевно: воспоминанием святого древняго, иже моли Бога пред невозженною свещею, крепце уповая возжещися оной, аще простит грехи его Многомилостивец: сиче ныне, аще и неключими есмы, уповаем крепце податися и нам невестественному свету твоему, указующу путь, имже ты шествовала еси: помолися не оставити нам стези сия, молящим ти ся:

Радуйся, яко тобою просвещает царь тьму нашу; радуйся, разлучая между светом и тьмою нашею.

Радуйся, яко житие твое ясному дню подобится; радуйся, яко ходяще во дни сем, не поткнемся.

Радуйся, во тьме египетстей свет Новому Израилю;

радуйся, свет, приходящий на ночь отца твоего.
Радуйся, свет, нечестивых мрак изводящая;
радуйся, свет на путях наших.

Радуйся, сокровенная наша просвещаяй;
радуйся, еюже жизнь моя свет узрит.

Радуйся Изводящему яко свет правду твою и
судьбу твою яко полудне;

радуйся, свет умиления, слезы точай к
покаянию.

Радуйся, мудрая дево царевно Ольго, невесто
святая Руси Святой.

Кондак 12

Благодать дати восхотев в рождении твоём
родителем твоим, якоже и Государь речет
третьяго ноемврия: Присно памятный для меня
день есть сей; благодать воз благодать дати
восхотел есть Господь нам в смерти твоей:
якоже и древле, не можаху спекуляторы
скончати повеленное, пулям возвращающимся,
дондеже ти не волися самей: древняя времена
обновляя нам: "Приблизися Царство Небесное",
- паки и паки глаголя, понуждая пети нас:
Аллилуиа.

Икос 12

Поюще твое житие, славим и после жития
странствие твое: яко неции летом мнозем
истекшим самозванне нарицаху ся именем

твоим, яко Ксения Петербургская ся рекла есть
Андреем Феодоровичем, супруге его умершей:
зрим покаяние народное, не могущее смириться
с клятвою страшною, кровь твою, иже на чадах
наших, юродством измывающее, темже поем ти:
Радуйся, теплое покаяние матерски
приемлющая;
радуйся, люте расслабленный народ вином и
елеем царски помазующая.
Радуйся, кров Небесный раскрывающая, да
свесиши расслабленнаго ко Христу;
радуйся, ангел, на всякое время и час сходящая
в купель покаяния нашего.
Радуйся, рекущая нам: Де не горше ти будут
последняя первых;
радуйся, молящая не расслабнути нам во
благодарении нашем.
Радуйся, паки милосердствуя сестрински о
народе твоём;
радуйся, не гнушаяйся смрадными язвы
нашими.
Радуйся, якоже и солнце, скверны наша
преходя, не оскверняющая;
радуйся, спасающая, аще возможно, останок.
Радуйся, храм души моя оскверненный паки
освящающая;
радуйся, благоухание сквернопрогонительное.

Радуйся, мудрая дево царевно Ольго, невесто святая Руси Святой.

Кондак 13

О святая великомученице царевно Ольго! Тобою отец твой земный паки нам волю Отца Небеснаго открывает: долги ваша, глаголет, оставятся вам, аще не мстите. Паки и паки глаголет нам Троицу Святую, Иже есть Любы, міропобедительную, радость крестную возсиявая нам. Мы же о царевне благодарим: Аллилуиа. Сей Кондак глаголи трижды. И паки чтется 1-й Икос и 1-й Кондак.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НУЖЕ
НЕБО**